



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ
ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ info@competition.am, վեբ կայք՝ <http://www.competition.am>

«19» 10 2023 թ.
No 009239

«ԴԱՓՆԵՎԱՐԴ» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՏՆՕՐԵՆ
ՏԻԿԻՆ ԱՆՈՒՇ ՄԱՐՏԻՐՈՍՅԱՆԻՆ
(հասցե՝ Գեղարքունիքի մարզ, ք. Գավառ, Ազատության 49-24)

Հարգելի՛ տիկին Մարտիրոսյան,

Կից ուղարկվում է Մրցակցության պաշտպանության հանձնաժողովի 2023 թվականի հոկտեմբերի 17-ի «Դափնեվարդ» սահմանափակ պատասխանատվությամբ ընկերության վերաբերյալ թիվ ՀԳ-03239/23 վարույթը «Խաչվեման» սահմանափակ պատասխանատվությամբ ընկերության վերաբերյալ թիվ ՀԳ-03330/23 վարույթին միացնելու մասին» թիվ 453-Ա որոշման պատճենը:

Միաժամանակ, Հանձնաժողով փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ նաև՝ Համակարգ) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի (www.competition.am) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:

Առդիր՝ «3» թերթ:

ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ

Կատարող՝ Թերեզա Հակոբյան
Անբարեխիղճ մրցակցության վերահսկողության վարչություն
Հեռ. (+374 60) 830-840 (252)



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ**

Ո Ր Ո Շ ՈՒ Մ

17 հոկտեմբերի 2023 թվականի թիվ 453-Ա

**«ԴԱՓՆԵՎԱՐԴ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ՎԵՐԱԲԵՐՅԱԼ ԹԻՎ ՀԳ-03239/23 ՎԱՐՈՒՅԹԸ «ԽԱՀԼԵՎԱՆ» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՎԵՐԱԲԵՐՅԱԼ ԹԻՎ ՀԳ-03330/23
ՎԱՐՈՒՅԹԻՆ ՄԻԱՑՆԵԼՈՒ ՄԱՍԻՆ**

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2023 թվականի հոկտեմբերի 17-ի նիստում, քննարկելով «Դափնեվարդ» սահմանափակ պատասխանատվությամբ ընկերության (այսուհետ նաև՝ **«Դափնեվարդ» ընկերություն**) վերաբերյալ թիվ ՀԳ-03239/23 վարույթը «Խաչեվան» սահմանափակ պատասխանատվությամբ ընկերության (այսուհետ նաև՝ **«Խաչեվան» ընկերություն**) վերաբերյալ թիվ ՀԳ-03330/23 վարույթին միացնելու մասին հարցը,

Պ Ա Ր Զ Ե Ց

«Վավիար Գրուպ» սահմանափակ պատասխանատվությամբ ընկերությունը (այսուհետ նաև՝ **«Վավիար Գրուպ» ընկերություն**) 2023 թվականի օգոստոսի 22-ին Հանձնաժողով է ներկայացրել հաղորդում (այսուհետ նաև՝ **Հաղորդում**)՝ հայտնելով, որ «Դափնեվարդ» և «Խաչեվան» ընկերությունների կողմից իրացվում են «Վավիար Գրուպ» ընկերությանը պատկանող թիվ 32356 հերթական համարով գրանցված «ԲԱԶԻԿՅԱՆՆԵՐԻ ԱՐԻՇՏԱ» ապրանքային նշանին շփոթելու աստիճանի նման «X&L IGITYAN'S ARISHTA ԻԳԻԹՅԱՆ ԵՂԲԱՅՐՆԵՐ Գավառի տնական ԱՐԻՇՏԱ» ապրանքային նշանով արիշտաներ:

Հաղորդմանը կից ներկայացվել են գնված արիշտաները (համապատասխան անդորրագրերով)՝ արտադրված «Դափնեվարդ» ընկերության կողմից 2023 թվականի հունիսի 11-ին և «Խաչեվան» ընկերության կողմից՝ 2023 թվականի հունիսի 16-ին ու 17-ին:

Հաղորդման հիման վրա Հանձնաժողովի 2023 թվականի սեպտեմբերի 5-ի «Դափնեվարդ» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 391-Ա որոշմամբ հարուցվել է թիվ ՀԳ-03239/23 վարույթը, իսկ «Խաչելվան» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 392-Ա որոշմամբ հարուցվել է թիվ ՀԳ-03330/23 վարույթը՝ «Դափնեվարդ» և «Խաչելվան» ընկերությունների կողմից «X&L IGITYAN'S ARISHTA ԻԳԻԹՅԱՆ ԵՂԲԱՅՐՆԵՐ Գավառի տնական ԱՐԻՇՏԱ» ապրանքային նշանով արհիշտա իրացնելու միջոցով շփոթության առաջացման դրսևորմամբ անբարեխիղճ մրցակցության հատկանիշների առերևույթ առկայության հիմքով:

Հանձնաժողովի նախագահի 2023 թվականի սեպտեմբերի 11-ի «Դիտանցում իրականացնելու մասին» թիվ 147-Ա հրամանի հիման վրա ք. Երևան, Արշակունյաց 15 հասցեում գործող «Սուրմալու» առևտրի կենտրոնում՝ ԱԶ Բալաբեկ Շիրինի Շիրինյանին պատկանող տաղավարում, իրականացվել է դիտանցում, որի արդյունքում կազմվել է թիվ 147 արձանագրությունը:

Թիվ 147 արձանագրության համաձայն՝ ԱԶ Բալաբեկ Շիրինի Շիրինյանին պատկանող տաղավարում վաճառքում առկա է «Դափնեվարդ» ընկերության կողմից 2023 թվականի հուլիսի 25-ին արտադրված «X&L IGITYAN'S ARISHTA ԻԳԻԹՅԱՆ ԵՂԲԱՅՐՆԵՐ Գավառի տնական ԱՐԻՇՏԱ» ապրանքային նշանով արհիշտա:

«Վավիար Գրուպ» ընկերության կողմից 2023 թվականի սեպտեմբերի 12-ին Հանձնաժողով են ներկայացվել «Դափնեվարդ» ընկերության կողմից 2023 թվականի հուլիսի 6-ին արտադրված և «Խաչելվան» ընկերության կողմից 2023 թվականի հունիսի 21-ին արտադրված «X&L IGITYAN'S ARISHTA ԻԳԻԹՅԱՆ ԵՂԲԱՅՐՆԵՐ Գավառի տնական ԱՐԻՇՏԱ» ապրանքային նշանով արհիշտաներ՝ համապատասխան անդորրագրերով:

«Տնտեսական մրցակցության պաշտպանության մասին» օրենքի (այսուհետ նաև՝ **Օրենք**) 84-րդ հոդվածի 1-ին մասի համաձայն՝ Հանձնաժողովն իր որոշմամբ կարող է մեկ վարույթի շրջանակներում միացնել միևնույն սուբյեկտի կատարած՝ մեկից ավելի խախտումների կամ մի քանի սուբյեկտների կատարած նույն կամ համասեռ խախտումների վերաբերյալ վարույթները, եթե այդ վարույթների միջև առկա է փոխադարձ կապ, և դրանց համատեղ իրականացումը կարող է ապահովել վարույթի առավել արագ և արդյունավետ լուծումը:

Վերոգրյալ նորմի վերլուծությունից հետևում է, որ օրենսդիրը մի քանի սուբյեկտների կատարած նույն կամ համասեռ խախտումների վերաբերյալ վարույթները Հանձնաժողովի որոշմամբ միացնելու համար որպես պայման է սահմանել վարույթների միջև փոխադարձ կապի առկայությունը և վարույթների առավել արագ և արդյունավետ լուծման ապահովումը:

Տվյալ դեպքում Հանձնաժողովը գտնում է, որ «Դափնեվարդ» և «Խաչելվան» ընկերությունների կողմից «X&L IGITYAN'S ARISHTA ԻԳԻԹՅԱՆ ԵՂԲԱՅՐՆԵՐ Գավառի

տնական ԱՐԻՇՏԱ» ապրանքային նշանով արիշտայի արտադրության և իրացման գործունեություն իրականացնելու փաստով պայմանավորված թիվ ՀԳ-03239/23 և թիվ ՀԳ-03330/23 վարույթների միջև առկա է փոխադարձ կապ, և դրանց համատեղ իրականացումը կապահովի նշված վարույթների առավել արագ և արդյունավետ լուծումը:

Հիմք ընդունելով վերոգրյալը և ղեկավարվելով Օրենքի 38-րդ հոդվածի 1-ին, 2-րդ մասերով, 84-րդ հոդվածի 1-ին մասով, 86-րդ հոդվածի 1-ին մասով և 42-րդ հոդվածի 2-րդ մասով՝ Հանձնաժողովը

Ո Ր Ո Շ Ե Ց

1. «Դափնեվարդ» սահմանափակ պատասխանատվությամբ ընկերության վերաբերյալ թիվ ՀԳ-03239/23 վարույթը միացնել «Խաչելվան» սահմանափակ պատասխանատվությամբ ընկերության վերաբերյալ թիվ ՀԳ-03330/23 վարույթին:

2. Սույն որոշումն ուժի մեջ է մտնում ընդունման պահից:

ՆԱԽԱԳԱՀԻՆ
ԺԱՄԱՆԱԿԱՎՈՐ ՓՈԽԱՐԻՆՈՂ

2023թ. հոկտեմբերի 17
Երևան



Տ. ՄԱՐԿՈՍՅԱՆ

